



BROJ: 100-05-13/23

PARALEMNETARNA SKUPŠTINA BOSNE I HERCEGOVINE
TRG BIH br. 1
SARAJEVO

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO


5

PRIMLJENO: 14-04-2023			
Organizaciona jedinica	Klasifikaciona oznaka	Redni broj	Broj priloga
01,02	50-18	902	23

Predmet: dostava materijala

U skladu sa članom 29 Zakona o javnom radiotelevizijskom servisu Bosne i Hercegovine (Službeni glasnik BiH, 92/05), dostavljamo vam godišnje finasijske planove i planove programa i izveštaje o realizaciji tih planova.

Sarajevo, 5.4.2023.godine



Sekretariat Upravnog odbora BHRT

RADIOTELEVIZIJA BOSNE I HERCEGOVINE

IZVJEŠTAJ O FINANSIJSKOM POSLOVANJU BHRT-a

ZA PERIOD

1. 1. – 31. 12. 2022. GODINE



Sarajevo,

mart 2023. godine

Sadržaj:

	<i>Strana:</i>
1. Uvodne napomene	3
2. Finansijski rezultat	4
3. Informacije iz bilansa uspjeha	5
4. Prihodi	5-8
5. Rashodi	9-11
6. Informacije iz bilansa stanja	12
7. Dugoročna imovina	12
8. Kratkoročna imovina	13
9. Obaveze	14
10. Gotovinski tok - osvrt	15
11. Kapital	16

Značajne činjenice iz finansijskih izvještaja

Uvodne napomene

Finansijski izvještaj Radiotelevizije Bosne i Hercegovine Sarajevo (u daljnjem tekstu BHRT) obuhvata bilans uspjeha, bilans stanja, Izvještaj o gotovinskim tokovima i Izvještaj o promjenama u kapitalu na osnovu kojih je urađen ovaj finansijski izvještaj.

Finansijski izvještaji za period I-XII 2022. godine sastavljeni su na osnovu Zakona o računovodstvu i reviziji u Federaciji Bosne i Hercegovine (Službene novine FBiH, broj 15/21), MRS/MSFI zajedno s uputstvima, objašnjenjima, smjernicama i načelima koje Komisija za računovodstvo i reviziju provede i objavi. Za sve događaje koji nisu definirani MRS i MSFI i za koje oni daju mogućnost alternative, menadžment BHRT-a je donio prijedlog o načinu evidentiranja takvih poslovnih događaja, a usvojio ih je UO BHRT.

Pravilnik o računovodstvu i računovodstvenim politikama usvojen je u decembru 2009. godine i primjenjuje se od 1. 1. 2010. godine. Izmjene i dopune računovodstvenih politika iz 2012. i 2020. godine vezane su za primjenu novih računovodstvenih standarda i međunarodnih standarda finansijskog izvještavanja.

Svoje poslovanje BHRT obavlja u skladu sa Zakonom o javnim preduzećima, Zakonom o Javnom RTV servisu, Zakonom o Javnom RTV sistemu.

Međusobni odnosi sa RTVFBiH regulirani su Cjenovnikom međusobnih usluga i Protokolom o procedurama i rokovima naručivanja, fakturiranja i plaćanja usluga JSBiH i RTVFBiH.

Prosječan broj zaposlenika za period I-XII 2022. iznosi 857, a prosječan broj zaposlenika, na bazi sati rada, za isti period iznosi 892.

Izloženost tržišnom, kreditnom, riziku likvidnosti i drugim rizicima prisutnim u poslovanju pravnog lica

Dugogodišnji trend pada broja pretplatnika i smanjenje naplaćene u odnosu na fakturiranu RTV taksu, problem nepoštovanja Zakona o JRTV sistemu BiH od RTRS-a kroz zadržavanje sredstava od naplaćene RTV takse na vlastitom računu, izostanak volje zakonodavne vlasti BiH da se pronade adekvatan i kontinuiran način naplate RTV takse, dovodi do otežavajućih okolnosti za izradu finansijskog plana BHRT-a i neophodnog iskazivanja finansijskog gubitka u poslovanju BHRT-a.

BHRT je na dan 31. 12. 2022. godine ostvario negativan finansijski rezultat u iznosu od 10.916.802 KM. Zbog svega navedenog, otežano je upravljanjem rizikom likvidnosti održavanjem dovoljnog iznosa gotovine, kao i obezbjeđenje adekvantnih izvora finansiranja. Kako se rizik od promjene deviznog kursa javlja u slučaju kad Preduzeće posluje u međunarodnim okvirima i izloženo je riziku deviznog kursa, jer posluje sa različitim valutama, BHRT je izložen i ovom riziku. Najveći rizik po ovom osnovu odnosi se na obaveze BHRT-a prema EBU. Na dan 31. 12. 2022. godine BHRT duguje EBU iznos od 5.917.211 CHF; 2.243.338 EUR i 532.165 USD. BHRT nema značajnu koncentraciju kreditnog rizika. Ima dugoročni kredit kod Intesa SanPaolo banke s rokom otplate do 15. 8. 2023. godine, ali je relativno mala glavnica kredita, te na dan 31. 12. 2022. iznosi 378.414 KM. BHRT je izložen i riziku po osnovu sudskih sporova, kako onih koje je pokrenuo BHRT, tako i onih koji su pokrenuti protiv BHRT-a. Najznačajniji pokrenuti sudski sporovi BHRT-a su sporovi s druga dva javna emitera: RTRS i RTVFBiH zbog nenaplativosti potraživanja od druga dva emitera. RTRS u cijelosti zadržava prikupljena sredstva od RTV takse na teritoriji Republike Srpske na svom računu, što dovodi do kontinuiranih gubitaka i nelikvidnosti u poslovanju BHRT-a. Takva likvidnost dalje uzrokuje kašnjenje u izmirivanju zakonskih obaveza za indirektnu i direktne poreze, doprinose i obaveze prema dobavljačima, što za posljedicu ima i dodatne troškove po osnovu obračunatih

kamata. RTVFBiH, također, ima ranije stvorene obaveze prema BHRT-u, te je po tom osnovu na vrijeme pokrenut i sudski spor sa RTVFBiH. RTRS i RTVFBiH su, s druge strane, tužili BHRT, te su trenutno sudski sporovi spojeni i u toku su. BHRT ima veliki broj neriješenih imovinsko-pravnih sporova te je počeo aktivnosti na rješavanju imovinsko-pravnih odnosa podnošenjem zahtjeva za legalizaciju izgrađenih objekata, upućivanjem urgencija nadležnim službama i općinama radi utvrđivanja prava vlasništva. Od ostalih rizika potrebno je spomenuti da je BHRT opterećen hipotekom u korist: Intesa Sanpaolo banke, Porezne uprave FBiH i Uprave za indirektno oporezivanje.

1. FINANSIJSKI REZULTAT ZA PERIOD 1. 1. - 31. 12. 2022. godine

U periodu 1. 1. - 31. 12. 2022. godine Radiotelevizija Bosne i Hercegovine ostvarila je ukupne prihode u iznosu od 38.976.452 KM, a ukupne rashode u iznosu od 49.893.255 KM te je iskazan gubitak u poslovanju u iznosu od 10.916.802 KM.

Iskazani gubitak u poslovanju proistekao je zbog nepravovremene naplate potraživanja od kupaca.

Na teret rashoda, u 2022. poslovnoj godini, ispravljen je ukupan iznos od 11.203.120 KM, od čega se najveći dio odnosi na potraživanje za RTV taksu od RTRS-a u iznosu 10.441.347 KM i potraživanja od RTVFBiH za usluge održavanja prostora i 70% amortizacije u iznosu 572.619 KM.

Prikaz strukture finansijskog rezultata

Ukupan prihod	38.976.452 KM
Ukupni rashodi	49.893.255 KM
Gubitak perioda	-10.916.803 KM
<hr/>	
1. Poslovni prihodi	38.172.043 KM
2. Poslovni rashodi	37.338.400 KM
3. Dobit od poslovne aktivnosti (1-2)	833.643 KM
4. Finansijski prihodi	44.829 KM
5. Finansijski rashodi	1.170.350 KM
6. Gubitak od finansijske aktivnosti (4-5)	-1.125.521 KM
7. Gubitak od redovne aktivnosti (3+6)	-291.878 KM
8. Ostali prihodi	759.580 KM
9. Ostali rashodi	11.384.504 KM
10. Gubitak od ostalih prihoda i rashoda (8-9)	-10.624.924 KM
11. Ukupni gubitak perioda (7 + 10)	-10.916.803 KM

2. INFORMACIJE IZ BILANSA USPJEHA NA DAN 31. 12. 2022. GODINE

- Izvještaj o ukupnom rezultatu za izvještajni period -

2.1. PRIHODI

Ukupno iskazani prihodi u obračunskom periodu 1. 1. - 31. 12. 2022. godine iznose 38.976.452 KM što je manje za 5% u odnosu na izvršenje za isti period prethodne godine.

Poslovni prihodi iznose 38.172.043 KM i čine 98% ukupnog prihoda. Najznačajniji prihodi ostvareni su od naplate RTV takse.

Finansijski prihodi iznose 44.829 KM i odnose se na prihode od naplaćenih sudskih troškova.

Ostali prihodi i dobiti iznose 759.580 KM, od čega se najveći iznos odnosi na naplaćena otpisana potraživanja od kupaca, u iznosu od 308.359 KM i prihode od ukidanja rezerviranja po pokrenutim sudskim sporovima u iznosu od 268.564 KM.

Tabela 1 - Struktura ostvarenih prihoda u periodu 1. 1. - 31. 12. 2022. godine

R.B	OPIS	Izvršenje I - XII/2021	Plan 2022.	Izvršenje I - XII/2022.	Index (5/4)*100	Index (5/3)*100
1	2	3	4	5	6	7
1	Prihodi od RTV takse*	26 913 680	26 086 000	25 888 019	99	96
2	Prihod od usluga marketinga	1 741 460	2 000 000	3 213 091	161	185
3	Prihod od refundacije troškova RTVFBiH	4 631 792	4 550 000	4 564 461	100	99
4	Prihod od zakupa prostora	3 077 004	2 970 000	3 261 371	110	106
5	Prihod od pružanja usluga tehničkih kapaciteta	511 856	550 000	664 943	121	130
6	Prihodi od ostalih usluga i refundacija trećih lica	1 021 114	1 400 000	604 143	43	59
9	POSLOVNI PRIHODI (1 do 8)	37 896 906	37 556 000	38 196 028	102	101
10	Finansijski prihodi	45 130	10 000	44 829	448	99
11	Ostali prihodi (naplaćena otpisana potraživanja od kupaca i dr.)*	3 249 191	200 000	735 595	368	23
12	UKUPAN PRIHOD (9 +10+11) KM :	41 191 227	37 766 000	38 976 452	103	95

- ❖ *Napomena: Izvršenje u tabeli broj 1, redni broj 1 odnosi se na pripadajući 50% dio prihoda od RTV takse koji BHRT knjiži u svojoj poslovnoj evidenciji na osnovu dostavljenih izvještaja RTVFBiH i RTRS.*
- ❖ *Iznos RTV takse za 2022. godinu po pretplatniku iznosi 7,5 KM (posljednja izmjena iznosa visine RTV takse bila je u 2015. godini)*
- ❖ *Radi sveobuhvatnijeg prikaza prihoda od RTV takse, iznos od 23.985 KM naplaćenih otpisanih prihoda od RTV takse - inkaso od RTVFBiH, knjigovodstveno je evidentiran na grupi konta 67 „ostali prihodi i dobiti“, ali je u gornjoj tabeli (tab. 1 red. br. 1) prikazan kroz poslovne prihode i oni su uvećani za pomenuti iznos RTV takse, dok su "ostali prihodi i dobiti" (tab. 1 red. br. 11) umanjeni za taj iznos, u odnosu na knjigovodstvenu evidenciju prihoda.*

2.1.1. POSLOVNI PRIHODI

Prihod od RTV takse

Ukupan prihod od RTV takse iskazan u poslovnim knjigama BHRT-a iznosi 25.888.019 KM (redovna RTV taksa + naplaćena otpisana potraživanja za RTV taksu), (tabela 1 red. br. 1 kol. 5) i manji je za 4% u odnosu na izvršenje u 2021. godini (manji za 1.025.661 KM).

Osnova za evidentiranje prihoda od RTV takse, koja pripada BHRT-u, čine izvještaji Elektroprivrede BiH i inkaso službi RTVFBiH i RTRS-a dostavljenim BHRT-u. U strukturi ukupnih prihoda, RTV taksa učestvuje sa 66%.

Opadajući trend prihoda desio se kod naplate putem Elektroprivrede BiH.

Ukupno naplaćena RTV taksa BHRT-a, u periodu I-XII/ 2022. godine (novčani priliv), iznosi 15 426 079 KM i to:

- novčani priliv od Elektroprivrede BiH u iznosu 14 800 294 KM
- novčani priliv od RTVFBiH za inkaso i prinudnu naplatu 625 785 KM

BHRT nije ostvario novčani priliv u skladu s prihodima, po osnovu redovnog potraživanja za naplaćenu RTV taksu s teritorije Republike Srpske, iz razloga što RTRS u cijelosti ne prebacuje prikupljena sredstva pripadajućeg zakonskog dijela BHRT-u, što se direktno odražava na likvidnost i tešku finansijsku situaciju u kojoj se BHRT nalazi.

Od ukupno evidentiranog prihoda BHRT-a od RTV takse za period I-XII/2022. godine, stvarno naplaćeno (novčani priliv) iznosi 15.426.079 KM.

Cjelokupna naplata je s teritorije Federacije BiH, što čini 60% novčanog priliva u odnosu na ukupno evidentirani prihod s teritorije oba entiteta (priliv manji za 10.461.940 KM od knjiženog prihoda u poslovnoj evidenciji BHRT-a).

Priliv od RTV takse u 2022. godini manji je za 5% ili za 790.212 KM u odnosu na 2021. godinu kada je priliv iznosio 16.216.291 KM.

Tabela 2. Prihod i naplata (novčani priliv) RTV takse za period 1. 1. - 31. 12. 2022. godine:

Red. br.	Opis	Prihod od RTV takse BHRT-a za I-XII/ 2021.	Plan RTV takse BHRT-a za 2022.	Prihod od RTV takse BHRT-a za I-XII/ 2022.	Uplaćeno na račun BHRT-a u periodu I-XII/ 2022.	Index	Index
	1	2	3	4	5	6 (4/3)*100	7 (4/2)*100
1.	Inkaso i pravna lica Federacije BiH	554 032	450 000	582 222	577 472	129	105
2.	Elektroprivreda BiH	15 799 104	15 000 000	14 817 628	14 800 294	99	94
3.	Prinudna naplata	28 998	46 000	22 837	24 328	50	79
	Naplaćena otpisana potraživanja za RTV taksu	32 332	30 000	23 985	23 985	80	74
I	Ukupno prihod od RTV takse na teritoriji Federacije BiH:	16 414 466	15 526 000	15 446 672	15 426 079	99	94
1.	Pošte Republike Srpske	1 888 807	1 900 000	1 914 132	0	101	101
2.	Inkaso i pravna lica RTRS-a	5 469 346	5 470 000	5 413 275	0	99	99
3.	Prinudna naplata	3 141 061	3 190 000	3 113 940	0	98	99
II	Ukupno RTV taksa u RS:	10 499 214	10 560 000	10 441 347	0	99	99
I + II	Sveukupno:	26 913 680	26 086 000	25 888 019	15 426 079	99	96

Prihod od marketinga

Prihod po osnovu pruženih usluga marketinga iznosi 3.213.091 KM i veći je u odnosu na prošlu godinu za 1.416.309 KM iz razloga većeg korištenja marketinškog prostora za vrijeme emitiranja Svjetskog nogometnog prvenstva u Kataru u novembru i decembru 2022. godine. (Tab. 1 red. br. 2 kol. 5).

Tabela 3. Struktura ostvarenog prihoda marketinga u periodu I – XII /2022. godine

Red. br.	Opis	Izvršenje I-XII /2021. god.	Plan 2022. god.	Izvršenje I-XII /2022. god.	Index
1	2	3		4	5 (4/3)
1.	Prihod od reklama BHRT	1 765 115	1 960 000	3 151 797	179
2.	Prihod od reklama BH Radio 1	31 667	40 000	37 119	117
3.	Prihod od digitalnog marketinga	0	0	24 175	
	Ukupno KM:	1 796 782	2 000 000	3 213 091	179

Napomena: Članom 23. i članom 42. Zakona o Javnom RTV sistemu BiH definiran je način prikupljanja i raspodjele ostvarenog prihoda od marketinških usluga na nivou Javnog RTV sistema koji podrazumijeva prikupljanje prihoda na jedinstven račun i raspodjelu po principu koji je utvrđen i za raspodjelu RTV takse (50% prihoda za BHRT i po 25% za druga dva emitera).

Nepoštovanjem Zakona o Javnom RTV sistemu, nikada, od početka primjene Zakona, nije vršena zakonska raspodjela prihoda od marketinga.

Po ovom osnovu pokrenute su tužbe između članica Javnog RTV sistema.

Prihod od pruženih usluga RTVFBiH (refundacija troškova prema Cjenovniku međusobnih usluga)

Prihod od pruženih usluga RTVFBiH iznosi 4.564.461 KM i u gotovo istom nivou je u odnosu na prethodnu poslovnu godinu, kao i u odnosu na planirani prihod po ovom osnovu (tab. 1 red. br. 3 kol. 6 i 7).

Prihod od RTVFBiH odnosi se na ispostavljene fakture po Cjenovniku međusobnih usluga za pružene usluge, korištenje imovine i tehničkih kapaciteta i refundacije za zajedničke troškove od trećih lica (dio programskih troškova, zakupi, fiksni troškovi i dr.).

Ukupna naplata od RTVFBiH za pružene usluge po Cjenovniku i za ostale refundacije troškova u periodu I-XII/2022. god. iznosi 4.086.306 KM.

U skladu sa Cjenovnikom međusobnih usluga i Protokola o procedurama, rokovima naručivanja, fakturiranja i plaćanja usluga između BHRT-a i RTVFBiH, sačinjenog u junu 2006. godine, BHRT pruža usluge tehničkih i kadrovskih resursa.

Fakturiranje se vrši prema uvjetima definiranim navedenim Cjenovnikom i Protokolom koji se od dana primjene nije mijenjao.

Od početka primjene Cjenovnika, RTVFBiH spori fakture koje se odnose na amortizaciju stalnih sredstava (70% pripadajući dio) i usluge održavanja prostora koji koristi RTVFBiH.

U cilju naplate potraživanja po osnovu pruženih usluga, BHRT je u 2008. godini pokrenuo sudski spor protiv RTVFBiH u cilju naplate osporenih i ostalih nenaplaćenih potraživanja.

Iznos spornih potraživanja za pružene usluge od RTVFBiH na dan 31. 12. 2022. godine iznosi 14.558.751 KM.

Prihod od zakupa prostora i tehničkih kapaciteta

Odnosi se na ugovorima regulirano iznajmljivanje predajnika, poslovnog prostora i ostalih tehničkih kapaciteta BHRT-a.

Ovi prihodi iskazani su u ukupnom iznosu od 3.926.314 KM (tab. 1 red. br. 4 i 5 kol. 5) od čega:

- prihod od zakupa 3.261.371 KM;

- prihod za usluge tehničkih kapaciteta 472.502 KM.

Tabela 5. Struktura prihoda od zakupa

Red. br.	Opis	Prihod za period I-XII/ 2021.	Plan 2022.	Prihod za period I-XII/ 2022.
1.	Prihod od zakupnina	3 077 004	2 830 000	3 261 371
2.	Tehničke usluge RTV produkcije	127 569	140 000	192 441
3.	Ostale usluge tehničkih kapaciteta - ino usluge	384 287	550 000	472 502
	UKUPNO:	3 588 860	3 520 000	3 926 314

Prihodi od refundacija troškova i ostali poslovni prihodi iskazani su u iznosu od 604.143 KM i odnose se na:

Tabela 6. Struktura prihoda od refundacija i drugih prihoda

Red. br.	Opis	Prihod za period I-XII/ 2021.	Plan 2022.	Prihod za period I-XII/ 2022.
1.	Prihodi od donacija u opremi	403 767	790 000	47 594
2.	Refundacije troškova od trećih lica	401 586	380 000	419 626
3.	Prihod od prodaje TV prava u zemlji	86 865	120 000	41 436
4.	Ostali prihodi od redovnog poslovanja	128 896	110 000	95 487
	UKUPNO:	1 021 114	1 400 000	604 143

2.1.1. **Finansijski prihodi** evidentirani su u ukupnom iznosu od 44.829 KM i odnose se na prihode po osnovu naplaćenih sudskih troškova.

2.1.2. **Ostali prihodi** iznose 735.595 KM i čine ih:

Tabela br. 7 Struktura ostalih prihoda

Red. Br.	Opis	Prihod za period I- XII/ 2021.	Plan 2022.	Prihod za period I - XII/ 2022.
1.	Naplaćena otpisana potraživanja od kupaca	2 938 537	190 000	308 359
2.	Prihod po osnovu otpisanih ostalih obaveza	97 029	10 000	42 301
3.	Prihod od ukidanja rezerviranja po sudskim sporovima i dr rezervisanja	183 482	0	311 928
4.	Ostali nespomenuti prihodi	30 143	0	73 007
	Ukupno KM:	3 249 191	200 000	735 595

2.2. RASHODI

Ukupni rashodi BHRT-a u periodu I-XII/2022. godine iznose 49.893.255 KM, od čega:

- Poslovni rashodi	37.338.400 KM
- Finansijski rashodi	1.170.350 KM
- Ostali rashodi	11.384.505 KM
UKUPNO KM :	49.893.255 KM

i na nivou su planiranih troškova za 2022. godinu, a u odnosu na period I-XII/2021 godine manji za 15%.

Tabela 8 Pregled rashoda BHRT-a za period I-XII/2021. godine:

Red. br.	OPIS	Izvršenje I-XII/2021.	Plan za 2022.	Izvršenje I-XII/2022.	Index 6 (5/4)	Index 7 (5/3)
1	2	3	4	5	6	7
1	Troškovi zaposlenih (BLD, ishrana, prijevoz i druge naknade zaposlenima)	18 831 606	18 914 500	19 047 526	101	101
2	Dnevnice i troškovi službenog puta	217 457	223 000	233 690	105	107
3	Troškovi Upravnog odbora i Programskog vijeća	155 228	150 900	198 419	131	128
4	Troškovi ugovora o djelu i autorskih honorara	1 093 690	1 080 300	861 037	80	79
5	Troškovi kupljenih emitiranih programa	1 690 751	5 103 000	3 898 885	76	231
6	Troškovi sirovina i materijala	251 403	307 400	158 356	52	63
7	Troškovi rezervnih dijelova	160 864	240 000	88 565	37	55
8	Sitan inventar, auto gume i drugi inventar	103 327	115 200	19 337	17	19
9	Amortizacija stalnih sredstava	2 211 820	2 603 000	1 755 280	67	79
10	Troškovi električne energije, plina, goriva i maziva	1 678 120	1 651 100	1 806 930	109	108
11	Usluge održavanja (oprema, autom., tekuće održavanje)	398 278	285 950	377 950	132	95
12	Troškovi RTV takse (RTVFBiH; RTRS i Elektroprivreda BiH)	3 701 258	3 600 000	3 747 086	104	101
13	Troškovi zakupa	999 288	1 037 500	856 364	83	86
14	Porezi i takse (porez po odbitku i dr.)	10 403 811	392 550	547 708	140	5
15	Tel. usluge, PTT usluge, prijenos preko PTT, usluge BIHNET-a	322 117	339 700	316 707	93	98
16	Usluge novinskih agencija	88 611	88 500	115 720	131	131
17	Usluge regulatorne agencije	81 084	83 400	67 157	81	83
18	Članarine međunarodnim organizacijama i dr. doprinosi	550 074	510 500	598 260	117	109
19	Usluge vještačenja i procjene	0	0	171 124		
20	Troškovi postupka prinudne naplate i kamata	0	0	2 095 001		
21	Ostali poslovni rashodi	1 885 555	486 500	377 298	78	20
I	POSLOVNI RASHODI (1 do 21)	44 824 342	37 213 000	37 338 400	100	83
II	FINANSIJSKI RASHODI	2 073 985	1 314 000	1 170 350	89	56
III	OSTALI RASHODI	11 696 600	11 239 000	11 384 505	101	97
	UKUPNO RASHODI (I+II+III)	58 594 927	49 766 000	49 893 255	100	85

POSLOVNI RASHODI

Poslovni rashodi iznose 37.338.400 KM i na nivou su planiranih rashoda za ovu godinu. U strukturi ukupnih rashoda učestvuju sa 75%.

U nastavku je dat pregled najznačajnijih poslovnih rashoda BHRT-a u periodu I-XII/2022. godine:

- **Troškovi zaposlenih** – ukupno iznose 19.047.526 KM i obuhvataju troškove bruto plaća, ishrane, prijevoza i ostalih naknada zaposlenima, što čini 38% od ukupnih troškova u ovom obračunskom periodu. Ovi troškovi veći su za 1% u odnosu na planske, a u odnosu na prethodnu 2021. godinu, također su veći za 1% kada su iznosili 18.831.606 KM.

Ukupan broj zaposlenika BHRT-a na dan 31. 12. 2022. godine iznosi 829 radnika, što je manje za 66 zaposlenih u odnosu na stanje 1. 1. 2022. godine kada je broj zaposlenih u BHRT-u iznosio 895.

- **Troškovi kupljenih i emitiranih programa** – iznose 3.898.885 KM i manji su od planskih troškova za 24%. U nastavku je dat pregled realiziranih programskih troškova u periodu I – XII /2022. godine:

Tabela 9 Pregled realiziranih programskih troškova u periodu I-XII/2022. godine:

R.br.	OPIS	Programski troškovi za period I-XII/2021.	Programski troškovi za period I-XII/2022.
1	Prava prijenosa sportskih događaja iz inostranstva	261 093	2 536 161
2	Prijenos sportskih događaja u zemlji	73 205	211 347
3	Prava emitiranja - licence	748 504	576 057
4	Nabavka gotovih programa - vanjska produkcija	392 108	388 625
5	Nabavka programa - koprodukcija	63 902	36 743
6	Nabavka programa od RTVFBiH	110 941	109 074
7	Ostali programski troškovi	40 998	40 878
	UKUPNO	1 690 751	3 898 885

Programska razgraničenja:

Na dan 31. 12. 2022. godine saldo kupljenih, a neemitiranih programa iznosi 440.111 KM od čega se iznos od 133.908 KM odnosi na TV prava za LJOI 2024 god. koji se održava u Parizu.

Preostali iznos od 306.203 KM se odnosi na kupovinu filmova, serija, dokumentarnog programa i dr.

- **Amortizacija** – iznosi 1.755.280 KM što čini 3,5% ukupnih rashoda i manja je za 21% od izvršenja za prethodni period.

- **Troškovi naplate RTV takse** putem inkaso službi entitetskih javnih emitera i Elektroprivrede BiH za period I-XII/2022. godine (pripadajući dio BHRT-a) iznose 3.747.086 KM, od čega:

Red. Br.	OPIS	Trošk. RTV takse za period I-XII/2021.	Trošk. RTV takse za period I-XII/2022.
1	Naplata RTV takse putem inkaso službe RTRS-a	2 253 190	2 274 652
2	Naplata RTV takse putem inkaso službe RTVFBiH	537 147	606 617
3	Naplata RTV takse putem Elektroprivrede BiH	910 921	865 817
	UKUPNO	3 701 258	3 747 086

- **Ostali troškovi redovnog poslovanja** odnose se na režijske troškove (električna energija, gorivo, plin, voda...) poreze i takse, doprinose, članarine i ostali troškovi koji su prikazani u tabeli br. 8.

2.2.1. **Finansijski rashodi** iznose 1.170.350 KM i čine ih:

Tabela 11 Pregled finansijskih rashoda u periodu I-XII/2022. godine:

Red. br.	OPIS	Finansijski troškovi za period I-XII/2021.	Finansijski troškovi za period I-XII/2022.
1	Kamate po neblagovremeno plaćenom PDV-u	703 097	
2	Kamate EBU i ostalih ino dobavljača	369 335	378 824
3	Kamate po kreditima od banaka	63 636	38 583
4	Kamate po osnovu imovine s pravom korištenja	98 392	84 595
5	Kamate po ostalim osnovama	0	30 237
6	Negativne kursne razlike (EBU i dr.)	550 193	607 363
7	Rashod po sudskom izvršenju	274 851	30 129
8	Ostali finansijski rashodi (troškovi prinudne naplate i dr.)	14 481	619
	UKUPNO	2 073 985	1 170 350

2.2.2. **OSTALI RASHODI** iznose 11.384.505 KM i čine 25% ukupnih rashoda BHRT-a, od čega:

Tabela 12 Pregled ostalih rashoda u periodu I-XII/2022. godine:

Red. br.	OPIS	Izvršenje I-XII/2021.	Izvršenje I-XII/2022.
1	Rashod po osnovu ispravke nenaplaćenih potraživanja od kupaca - RTVFBiH	579 015	572 619
2	Rashod po osnovu ispravke nenaplaćenih potraživanja od ostalih kupaca	529 240	189 154
3	Rashodi po osnovu ispravke vrijednosti potraživanja od RTV takse RTRS-a	10 499 214	10 441 347
4	Ostali rashodi (rashodi po inventuri, zakašnjele fakture iz ranijih godina i dr.)	89 131	181 385
	UKUPNO	11 696 600	11 384 505

Poslovnu 2022. godinu teretili su rashodi po osnovu ispravke potraživanja u ukupnom iznosu 11.203.120 KM (red. br. 1-3 tab. 12) od čega samo za RTV taksu RTRS-a i usluge od RTVFBiH iznos od 11.013.966 KM.

Ispravka potraživanja od RTVFBiH iznosi 572.619 KM (red.br. 1 tab. 12), a odnosi se na ispravku potraživanja za pružene usluge BHRT-a za održavanje prostora i 70% amortizaciju za 2022. godinu, a koje RTVFBiH nije prihvatila i za njih vraća ispostavljene fakture.

Ukupan dug RTVFBiH prema BHRT-u na dan 31. 12. 2022. godine iznosi 14.909.030 KM, od čega sumnjiva i sporna potraživanja iznose 14.558.751 KM.

Ukupan dug BHRT-a prema RTVFBiH iznosi 203.830 KM, tako da saldo (razlika) duga RTVFBiH prema BHRT-u na 31. 12. 2022. godine iznosi 14.705.200 KM.

Ispravka potraživanja od RTRS-a za RTV taksu za 2022. godinu iznosi 10.441.347 KM (red. br. 3 tab. 12).

Cjelokupna RTV taksa prikupljena na teritoriji Republike Srpske u 2022. godini zadržana je na računima RTRS-a.

Saldo ukupnih potraživanja BHRT-a od RTRS-a na 31. 12. 2022. godine (za RTV taksu i pružene usluge) iznosi 73.497.780 KM (za RTV taksu iznos od 73.251.861 KM i za usluge iznos od 245.919 KM).

Ukupan dug BHRT-a prema RTRS-u iznosi 5.646.979 KM, tako da razlika duga RTRS-a prema BHRT-u iznosi 67.604.882 KM.

Nenaplaćena potraživanja za RTV taksu prikupljenu u RTRS-u i potraživanja od RTVFBiH, imaju najveći efekat na višegodišnje gubitke u poslovanju i nelikvidnost BHRT-a.

3. INFORMACIJE IZ BILANSA STANJA NA DAN 31. 12. 2022. GODINE

- Izvještaj o finansijskom položaju preduzeća na kraju perioda –

3.1. IMOVINA

3.1.1. DUGOROČNA IMOVINA

Sadašnja vrijednost dugoročne imovine na dan 31. 12. 2022. iznosi 16.681.814 KM i to:

	KM
Nekretnine, postrojenja i oprema	15.531.961
Imovina s pravom korištenja	383.306
Nematerijalna imovina	575.583
Ostala imovina i potraživanja	190.963

Nabavna vrijednost dugoročne imovine na dan 31. 12. 2022. godine, iznosi: 97.467.633 KM, ispravka vrijednosti je: 80.785.820 KM. Imovina je amortizirana (otpisana) sa 82,9%; sadašnja vrijednost iznosi: 16.681.814 KM. Amortizacija za obračunski period 2022. godine iznosi: 1.755.279 KM.

Najznačajnija sadašnja vrijednost dugoročne imovine odnosi se na građevinske objekte 12.770.726 KM, što je 77,4% ukupne dugoročne imovine. U odnosu na stanje početkom godine, ova sredstva imaju smanjenje za 823.729 KM ili 77,4%.

Značajan dio imovine BHRT se nalazi pod hipotekom:

Intesa Sanpaolo banka d.d. Sarajevo na iznos od 5.700.000 KM – kredit

Porezna uprava FBiH – Kantonalni ured Sarajevo na ukupan iznos od 29.583.978 KM po Rješenjima Općinskog suda u Sarajevu od 2017 – 2021. - obaveze za neplaćene poreze i doprinose na plaće, porez po odbitku.

Uprava za indirektno oporezivanje BiH na ukupan iznos od 1.898.317,67 KM za neplaćeni PDV.

BH Telecom, po Rješenju Općinskog suda u Sarajevu, ZK ured broj: 065-DN-23-038 466 od 7. 7. 2022. - kao garancija za otkup prava medijskih prava od UEFA-e za period 2022 - 2028. – utakmice Nogometne reprezentacije BiH.

PROCJENE VRIJEDNOSTI IMOVINE

Dana 17. 5. 2021. godine procijenjena tržišna vrijednost zgrade RTV doma, prema procjeni ovlaštenog procjenitelja građevinske struke, iznosi 101.982.145 KM.

Dana 14. 6. 2022. godine, prema procjeni ovlaštenog procjenitelja građevinske struke, tržišna vrijednost imovine u iznosu od 122.763.329 KM kako slijedi:

Poslovni objekat Anex u iznosu od 2.377.976 KM
Poslovni objekat Baraka u iznosu od 44.429 KM

Ekonomsko dvorište u iznosu 120.340.894 KM

Ukupna vrijednost procijenjene imovine, u Sarajevu iznosi 224.745.444 KM.

3.1.2. KRATKOROČNA (OBRTNA) IMOVINA

Ukupan iznos kratkoročne (obrtne) imovine na dan 31. 12. 2022. godine je 4.413.165 KM, što je u odnosu na stanje 1. 1. 2022. godine, su manja 2.536.159 KM ili 36,5%.

Pregled kratkoročne imovine na dan 31. 12. 2022. godine:

	KM
Zalihe	492.467
Poraživanja od kupaca	3.252.026
Gotovina na računima i blagajni	127.307
Akontacije poreza na dobit	15.011
Ostala imovina, potraživanja i razgraničenja	526.354

ZALIHE

Ukupne zalihe na dan 31. 12. 2022. godine iznose: 492.467 KM i u odnosu na stanje početkom godine veće su za 53.563 KM ili 10,88%. Najvećim dijelom odnose se na sirovine, materijal, rezervne dijelove i sitan inventar u iznosu od: 329.225 KM.

KRATKOROČNA POTRAŽIVANJA

Ukupna potraživanja BHRT-a na dan 31. 12. 2022. godine iznose 93.277.374 KM, ukupna ispravka potraživanja iznosi 90.025.348 KM, a ukupna kratkoročna potraživanja iznose 3.252.026 KM, od čega:

Potraživanja od kupaca u zemlji iznose 1.779.154 KM;

Potraživanja od ino kupaca iznose 145.896 KM;

Potraživanja po osnovu redovne RTV takse iznose 1.325.219 KM;

Potraživanja od prinudne naplate RTV takse 1.757 KM.

Sporna potraživanja BHRT-a koja se potražuju, uglavnom putem suda, iznose 90.025.348 KM, od čega:

Sporna potraživanja od kupaca u zemlji iznose 16.166.027 KM;

Sporna potraživanja od kupaca u inostranstvu iznose 471.004 KM;

Sporna potraživanja za utuženu RTV taksu iz ranijeg perioda 136.455 KM;

Sporna potraživanja RTV takse iznose 73.251.861 KM.

Najveći iznos sumnjivih i spornih potraživanja od kupaca za usluge u zemlji odnosi se na nenaplaćena potraživanja od Radiotelevizije Federacije BiH, u iznosu od 14.558.751 KM.

Od sumnjivih i spornih potraživanja od kupaca za RTV taksu na nenaplaćena sumnjiva i sporna potraživanja za RTV taksu od RTRS odnosi se 73.251.861 KM. Zbog nenaplaćenih sumnjivih i spornih potraživanja, BHRT je pokrenuo spor protiv druga dva emitera: Radiotelevizije Federacije BiH i protiv Radiotelevizije Republike Srpske.

4. OBAVEZE

Ukupne obaveze preduzeća na dan 31. 12. 2022. iznose 86.001.282 KM i veće su odnosu na stanje na dan 1. 1. 2022. godine za 7.428.055 KM ili 9,45%.

4.1. Dugoročne obaveze iznose 705.024 KM i manje su od istih na dan 1. 1. 2022. za 703.507 KM ili 50% i čine ih:

	KM
Obaveze po osnovu najmova	401.973
Odgođeni prihod	106.504
Ostale obaveze i razgraničenja	196.547

4.2. KRATKOROČNE OBAVEZE

Kratkoročne obaveze na dan 31. 12. 2022. godine iznose 85.296.258 KM i veće su od njihovog stanja na dan 1. 1. 2022. godine za 8.131.562 KM ili 10,53%

	KM
Obaveze prema dobavljačima	26.323.258
Ugovorne obaveze	365.425
Obaveze po uzetim kreditima	378.415
Obaveze po osnovu najmova	18.656
Finansijske obaveze	380.978
Odgođeni prihod	50.106
Rezerviranja	1.438.207
Obaveze za porez na dobit	835.000
Ostale obaveze i razgraničenja	55.506.213

Obaveze prema dobavljačima su 26.323.258 KM; od čega dobavljači u zemlji 8.601.879 i dobavljači u inostranstvu 17.721.379 KM. Najznačajnija obaveza dobavljača u unostranstvu je prema EBU 17.113.346 KM, a u zemlji obaveza prema RTRS-u 5.646.979 KM.

Obaveze za plaće, naknade plaća, poreze i doprinose u vezi s platama i naknadama, obaveze za ugovore o djelu i poreze i doprinose na njih iznose 23.372.120 KM.

Stanje obaveza neto plaća je 856.934 i odnosi se na obračunatu neto plaću za decembar 2022. godine, naknade zaposlenih su 109.801 na ime obračunatog toplog obroka za decembar 2022. godine.

Obaveze za poreze i doprinose iznose po osnovu isplaćenih plaća iznose 22.061.915 KM i veće su u odnosu na stanje na dan 1. 1. 2022. za 4.257.496 KM.

Obaveze prema fizičkim licima za naknade po osnovu ugovora o djelu i autorskih ugovora su 276.616 KM, a obaveze za poreze i doprinose po ovom osnovu su 66.854 KM.

Obaveze po osnovu poreza po odbitku iznose 835.000 KM.

Obaveze po osnovu kamata po Sporazumu iz 2021. godine koji je prestao da važi i rješenjima prinudne naplate, koja je nastavljena u 2022. godini, iznose 12.767.478 KM.

Dodatno utvrđene obaveze iz prethodnog perioda za direktne poreze i kamate po istim iznose 941.994 KM.

Akumulirane obaveze i novonastale po osnovu kamata i troškova pronudne naplate za direktne poreze rezultat su teške finansijske situacije u kojoj se našao BHRT usljed nemogućnosti naplate RTV takse na teritoriji Republike Srpske i Brčko distrikta. Kantonalna poreska uprava, kao sredstvo osiguranja, izvršila je pljenidbu imovine, tačnije parcele u vlasništvu BHRT-a na kojoj je planirana izgradnja Kongresnog centra Novi grad i kada dođe do prodaje zemljišta na licitaciji sva dugovanja će biti regulirana.

Sudski vještak građevinske struke uradio je procjenu tržišne vrijednosti imovine BHRT-a koja ukupno iznosi 122.763.299 KM.

Stanje obaveza za indirektno poreze, s troškovima prinudne naplate, jeste 5.784.753 KM a kamate za indirektno poreze 1.821.393 KM.

5. IZVJEŠTAJ O GOTOVINSKOM TOKU

BHRT je ostvario veći odliv od priliva u 2022. godini u iznosu od 12.237 KM. Ostvaren je priliv iz poslovne aktivnosti u iznosu od 27.261.144 KM, dok je ostvareni odliv iznosio

27.273.381 KM.

Najveći priliv u 2022. godini je ostvaren po osnovu priliva od RTV takse s teritorije Federacije BiH u iznosu od 15.426.079 KM, a najveći odliv po osnovu isplata zaposlenim u iznosu od 16.098.012 KM.

Da bi preduzeće izmirilo dospjele, a neizmirene i tekuće obaveze, nedostaje oko 4.700.000 KM na mjesečnom nivou.

Na vanbilansnoj evidenciji se nalazi 3.419.469 KM isknjiženih spornih sredstava, potraživanja i obaveza.

6. KAPITAL

Osnovni kapital	38.086.642 KM
Akumulirani gubitak prethodnih perioda	(92.076.144 KM)
Gubitak izvještajne godine	(10.916.801 KM)
Ukupno kapital	(64.906.303 KM)

Upravni odbor BHRT-a je na kraju izvještajnog perioda donio Odluku o načinu evidentiranja gubitka i to:

Gubitak za poslovnu 2022. godinu iznosi – 10.916.801 KM.

Ukupan iznos gubitka iznad visine kapitala iznosi - 64.906.303 KM.

UO BHRT-a donosi odluku o realizaciji sljedećih aktivnosti u procesu sanacije i finansijske konsolidacije BHRT-a i navodi ih prema prioritetima:

1. Obraćanje zakonodavnoj i izvršnoj vlasti BiH sa zahtjevom da se osigura poštovanje Zakona o javnom RTV sistemu BiH, posebno člana 23. kojim se regulira način raspodjele prikupljene RTV takse na cijeloj teritoriji BiH, za rješenje održivog i stabilnog načina finansiranja javnih RTV servisa. Ugovor s Elektroprivredom za prikupljanje RTV takse ističe u decembru 2023. godine.
2. Obraćanje nadležnim organima sa zahtjevom za rješavanje međusobnih dugovanja emitera putem cesije BHRT – RTV FBiH – RTRS da bi BHRT dobio zakonski pripadajući dio sredstava koji se sad zadržava kod druga dva emitera.
3. Izvršeno etažiranje i procjena vrijednosti zgrade RTV doma po etažama od ovlaštenog procjenitelja s ukupnom procijenjenom vrijednosti od 101.982.145 KM. Procjenom vrijednosti po etažama stvoreni su uvjeti da se dijelovi RTV doma mogu dati u svrhu kolaterala u postupku zaključenja sporazuma plaćanja u ratama poreznih obaveza prema UIO kao i s poslovnim partnerima BHRT-a u realizaciji velikih programskih događaja (imovina će se koristiti kao garancija za dobro izvršenje posla).
4. Izvršena procjena zemljišta i zgrade Anex u vlasništvu BHRT-a na kojima je projektom Općine Novi Grad predviđena izgradnja kongresnog centra, ovlašteni procjenitelj je procijenio u iznosu od 122.000.000 KM, te je predmetna imovina data u kolateral PUF FBiH u svrhu prodaje i namirenja duga prema PUF FBiH. Ostatak sredstava bit će usmjeren na izmirenje duga prema dobavljačima koji su pokrenuli sudski spor protiv BHRT-a zbog neblagovremenog plaćanja obaveza.

5. U skladu sa članom 22. stav 4. Zakona o JRTV Sistemu preduzeti aktivnosti na usklađivanju RTV takse sa službenom stopom inflacije koja je, prema zvaničnim izvještajima za 2022. godinu, 14%, radi stvaranja uvjeta za povećanje naplaćenog prihoda od RTV takse.

Naplaćeni prihod na nivou Bosne i Hercegovine za 2022. godinu iznosi 51.776.038 KM, pa se procjenjuje da bi se povećanjem visine RTV takse za iznos stope inflacije, taj iznos povećao u 2023. godini za oko 7.500.000 KM, a prihod od RTV takse koji pripada BHRT-u, povećao bi se u iznosu od oko 3.700.000 KM.

Novčani priliv koji se ostvario u BHRT-u (preko Elektroprivrede BiH i inkaso službe RTV FBiH) u 2022. godini - povećao bi se u 2023. za oko 2.300.000 KM.